



王忠文公文集卷之二

鄱陽三臺劉傑編輯

廬陵銅溪劉同校正

五言古今詩

國賓黃先生之官義烏主簿因賦詩奉贈義
烏乃僕鄉邑故爲語不覺其過多然眷眷之
情溢于辭矣

黃君古君子制行粹且夷恂恂美儀槩藹藹瞻文辭
峩冠映長鬣大布以爲衣去歲應辟舉來自盱江湄
久爲金陵客旅食困鹽齏層樓斷春夢新亭傷夕暉

辭后展良晤游從獲委地苦乏尊中物清茶淪新破
朝家方需賢用以備羽儀如君真典刑朝著合先躋
今茲得一官其職在勾稽道明雖快簿母乃秩猶庫
吾聞君子心愛民仁所推苟不務澤物卿相亦奚爲
烏傷古漢縣土壤非膏腴我實此邑民習俗固昔知
君今蒞其邑爲爾略陳之昔當暴秦世孝子曰顏互
親喪負土葬哀感羣鳥飛嚙土來致助吻傷血流
邑由是得名遺塚故纍纍淒涼千載下林風
建炎宋南渡中原戎馬馳時宗忠簡獨建
汴京旣恢復渡河將青期回靈二十疏瀝血以陳

神州未全壁計表君緘哀遂隳中天業南北成分難
至今讀遺事令人雙淚揮忠孝實大節至行出天彝
吾邑乃兼有簡冊耿光輝餘習之所被其民良易治
可施禮義化難用威詐驅奈何邇年來其力不勝疲
誅求苦無藝大小舍創瘼須憑長民者煦嫗勤撫綏
苟復事敲朴愈使其心乖至公民不病至誠民不欺
以故昔循吏務先恩惠施所居其民富所去民見思
願君勉自奮前哲諒堪追華川十里澤近在縣郭西
曩當歲大比吉讖驗清漪暑雨芙蓉渚春風揚柳堤
仙宮聯梵宇烟樹蒼參差吾師文獻公其傍有新祠

妥靈設虛室麗牲植豐碑頗聞闕主守荒草滿塔墀
煩君下車後爲我薦一庖蘋藻幸可擷豈必牲肴肥
先廬在縣北棟宇就傾頽老桂當北堂高槐陰前扉
頃者處州軍肆暴如狼戾毀我西南軒以作軍營圍
吾毋颯坐白獨在其中居不知風雨夕何以庇其軀
煩君下車日語我弟與兒雖然力綿薄家事要維持
稍須加繕葺先業不可墮憶我里居日親友常提携
覓句輒喪回尋杯每淋漓只今亂離後在者知有誰
仲實忠簡裔篤學號醇儒開門授章句後生所歸依
仲玉類許丞庠序賴網維優游里閭間年已向艾耆

德元負才氣少也不可羈援經復據史歷歷談是非
酒酣即狂歌襟度無吟哇左足久蹙蹙想更容顏衰
惜哉承平世遺此磊落姿近聞處村僻轉與世情違
高氏好兄弟和氣溢墳荒仲顯最卓犖處物善隨時
往者築新城趨事不敢遲比予遘家難尉書遠相貽
殷勤見高誼使我重相懷仲祥乃難弟個倘絕猜疑
時時暢鬱抱即物賦新題亦遭官軍惡狼藉桃李蹊
定應稼軒下仍可肆娛嬉漢英成均彥語話甘如飴
一自去京華力畊理東菑平生經濟具蕭條嗟已而
國器意跌宕篆法效秦斯酒禁近嚴甚無從啜其醅

山田秋芋紫自足供午炊國章我所畏爲文時出奇
詞鋒動橫厲穎脫囊中錐也從青岩隱依山結茅茨
凡此數君子吾邑稱白眉可以咨政務可以談玄微
煩君相見頃爲我道區區自我去鄉里三載于今茲
學殖反荒落宦業亦何裨惟羸髭與鬢星星揔成絲
未續歸田賦空誦陟岵詩今晨送君別令我慘不怡
奈此臂不羽不得從君歸山川豈遼邈夢魂無相隨
新寒入絺綌別袂風披披抗手秦淮上我歌多嘆噫
情真覺辭費後會以爲資

贈別朱先生東歸

憶從夫子游歲月今兩紀義維師友兼道實賢哲儼
及茲客江東三載接棲止辯理鍾扣筵論文車合軌
晨昏奉周旋骨肉同彼此琴音子期知劍氣張華指
斯文已云墜高誼庶茲倚君今荷君恩予告旋
田里雖云抱微疾寧無動深喜高堂有嚴君候門多
稚子初筵諧笑談中饋具甘旨以茲自怡愉亦足忘
藥餌返岫矚飛雲歸海觀流水物理諒皆然人情詎
能已綢繆念往昔契濶慨今始愴焉惕中腸臨書淚
盈紙

允載章生歸括蒼賦詩四十韻贈別

自我來金陵閱歷經六載取友日滋多雲萍憶湖海
誰其最知心生也情藹藹若翁中丞公高誼尤慷慨
其量淵汪洋其器山嶺巖起家本詩書致位今鼎鼐
眎余猶弟兄往往過期待古人不可見賴有若人在
生能繼翁志愛我曷嘗怠寂寥旅邸中過從不嫌每
晨游輒交申夜語恒到亥繼晷焚膏油列饌羞脯醢
哦詩即成諧索紙不爲賄生也姿甚良爲學如築壘
基固益加崇力勇那嬰侮窮經釣隱微臨文絢光彩
擣藻揆英華春空雲靄鬱求教生實渴待問予則餒
譬如處暗室何從視高墻又如枯竹筇安足扶魁魁

坐此真可慚生猶不予猥居然膠在漆逾久好逾倍
茲焉舍我去契闊將無乃故山括蒼蒼筵蕨春可采
臨清挹潺湲摘鮮收蓓蕾歸哉誠足誇類戰獲旋凱
新憂固服期具慶須舞綵父書讀仍勤聖轍遵毋殆
卒業究遠圖失學徒後悔君子惜寸陰玄髮容易改
我方墮踈庸長路媿駑駘區區二三策不足獻

君宰投閑未蒙 恩冒進祗增罪此心獨生知盍亦
匡不逮臨別傾巨觥聊用澆磊磊寧無別離淚不效
兒女洒宣室行召賈燕臺正需隗重來儻有期話言
勿余給江花思漫漫贈別乏蘭茝短歌爲真情庶當

珠一琲

南康郡齋

承 恩紆郡綬服職效官箴秩厚幸粗給力孱非所
任雖忻民訟簡恒恐吏議侵殘氓旣摩撫宿蠹亦搜
尋此邦乃名郡經變已年深荆榛猛獸處瓦礫悲蟲
吟道院存故號公庭蔽荒陰前瞻彭蠡澤後揖匡廬
岑緬懷昔朱子遺愛在人心往軌儻可踵吾將自茲
今

南康書事十首

五花出青穹宛若金芙蓉日射光燦爛雲生氣鴻濛

誰其凌絕頂笙鶴駕長風

山前兩瀑流勢欲翻翠嶽銀河九天傾玉峽雙龍出
六月幽壑間陰風動蕭瑟

飛橋架絕澗怒湍若雷音直比三峽險豈特千丈深
頗聳陰雨夜下有潛蚪吟

言尋白鹿洞欲訪紫陽翁一溪浸山月萬壑號松風
前哲不可及悵望將焉從

臨湖作幽亭湖光淨如鏡仰觀雲翼翔俯覽淵鱗泳
景會樂自生悠然孰吾競

郡廨新落成繁木蔭階阡稍忻吏牘希粗覺民事理

簷雀不相猜羣飲硯池水

晨興畢公事坐憇六老堂堂前松桂踈堂後桃李芳
親手爲培植留以比甘棠

居齋未爲陋煖翠名吾軒嵐氣沾細簾花光照清尊
廬山真面目相對每忘言

山園一畝許種竹復栽蔬摘蔬作朝饌對菊供晚娛
澹泊固有味無酒當何如

古人樂吏隱所貴性有適著述本吾事催科豈其職
咄哉彭澤翁惆悵爲形役

三月十六夜枕上作

微醉苦易醒多愁不成寐雨露故園思關山游子淚
明發復何如言歸尚濡滯

長安雜詩十首

自昔天子宅雄麗稱長安右瞻控隴蜀左顧俯河關
清渭北據水太白南睽山其間八百里陸海莽平川
神臯奠天府風氣固以完周家本仁厚國統最綿綿
漢唐能樹德亦復祚胤延秦隋秉虐政二世即傾顛
在德不在險古語諒弗諼嗟茲異代後遺迹已茫然
宮殿皆劫灰城市盡荒阡迤邐隴首坂縈紆樂游園
老樹帶落日平蕪被寒烟憑高一覽古千載在目前

盛衰有天運興廢復何言

我行咸陽野但見多墳塋大者王與侯小者猶公卿
隧前無碑碣莫得知姓名想當在世日貴富臻顯榮
賞罰自其口語出神鬼驚焉知百歲後泯然無所稱
纍纍一抔土僅與螻蛄并聖否共堙沒後人爲傷情
秦皇併六國漢武開西方兵威如雷電滅戮皆舉強
功成無所欲但欲年壽長樓船往東海仙劑求扶桑
金盤出雲表沆瀣承天滌眈眈蓬萊藥談詡瑤池觴
終然乖所覲日夕徒遑遑欲火旣已熾反使情內傷
神仙不可得壽齡亦尋常我聞古神聖與天同運行

服食享太和呼吸調陰陽躋世爲壽域斯民咸樂康
優游道爲體凋落後三光曾是弗能效安得命無疆
坡陀驪山下零落茂陵旁至今行路者佇立爲徬徨
崔嵬終南山形勢甚磅礴西來挾崆峒東亘聯華嶽
長雲覆重巒紫翠入寥廓杞梓產深林龍蛇蟄幽壑
淑靈之所鍾宜有異人作如何千載間蹤跡轉蕭索
姬旦不復生三代已云邈後來王佐才勞我思景略
渭水何湜湜涇水襍泥淤其源各異出其未乃同趨
清濁旣以混終然成合汚人生實異此稟性同厥初
所習日益遠竟爾分賢愚安得涇渭水清濁永相殊

昔在元世祖分地王關中濬藩富才彥一一皆夔龍
誰歟任儒學先正推許公沾濡布教雨鼓舞振文風
後來踵其軌厥稱蕭與同發揮聖賢道張主皇王功
出處雖異致德義非殊宗至今關輔間教思藹無窮
前哲日云遠悵望吾焉從

羣經載聖道昭揭如日星秦火一何烈燒燔滅其形
漢儒事掇拾區區補殘零雖然有遺闕其功亦已宏
唐世尚文學君臣益留情琬琰刻文字後先十三經
謂茲金石堅不與竹帛并自從東都後此刻最爲精
羅列饗舍內奎壁映晶瑩我言金與石有時亦銷崩

有形必有弊斯理詎難徵安知聖人道所託非所憑
天地共終始猗歟罔能名

長安玉霸都中更九朝業城夷池亦隳復孰窺浩劫
舊物奚所存獨有慈恩塔高標穹昊摩壯趾坤倪壓
緬懷唐盛時士子重科甲石間所題名先後紛襟還
歲月曾幾何聲光俱黯黯吾將登絕頂俯仰凌六合
天風從東來涼意客懷愜

步出城東門穹然見丹墻不知何王宮金碧猶煒煌
云是元帝子分茅鎮此疆傳世僅三葉嗣胤今滅亾
深宮閔玆菓廻溝亂坐揚撫物足流眄感時忽疑傷

自占有興廢天道非茫茫

人生百年中窮通無定迹譬如風前花榮謝亦頃刻
當時牧羊豎尊貴今誰敵顛顛種瓜翁乃是封侯客
丈夫苟得時糞土成拱壁一朝恩寵衰黃金失顏色
古昔諒皆然今我何嘆息

五月余還至渭南適克正博士爲丞於茲款
遇有加意義兼至因用賦詩以道舊并以留

別

曩余客南京結交盡名友文采競聯翩氣義互纏糾
子也時所需翻然起江右譬如豐城藏紫氣映斗
神物一朝伸光價孰能扣五年教成均後學資善誘
紛紛貴游子成材鬱先後交契豈不多於余誼尤厚
誓偕古尊壘共棄俗盆缶世情略外緣古道堅素守
艱難共嗟咨疑惑同析剖鬻齋夜燈若輦路晨轡偶
蹉跎歲年深顏面俱老醜我從去年秋將指事西走
今春子亦出丞哉實爲負豈期清渭濱乃此獲携手
始晤含悲辭稍坐開笑口旣懸徐孺榻且酌陶潛酒
問勞益情傾談諧仍意掇延留甚殷勤未厭浹句父
會合烏可常別離諒非苟炎埃滿征涂我馬不堪趣
明當復東邁行止庶無咎上以奉明君下以慰慈

母平生功名心蕭條亦何有惟是故意長欲報乏瓊
玖英英萼陽雲勞我重回首

五言律

立春日次韻答友人

獻歲新開統初頒鳳曆春文章千載事宇宙百年人
對酒聊同醉看花要識真平生二三策微賤向誰陳
簡分水明惟一監縣

分水百家邑民安俗事閑驅雞聊作吏騎馬稱看山
劍倚萍花冷詩題柿葉斑秋風一杯酒及此慰朱顏
次韻答友人二首

憶賦遠遊曲長爲異土人簫聲淮甸月柳色帝城春
玄髮故粘漆素衣空染塵歸來林壑底聊復養吾真
古今千載短天地一身貧述作須坐遠功名要及新
無心去書癖有酒酌花神自謂平生志無慚食肉人
吳江別蓮上人

飄零有若此離別復如何情劇酒杯少愁添詩句多
荒村黃葉對極浦白鷗波回首相携處秋風瑪瑙玻
吳中客懷二首

獨對一壺酒自斟還自吟句從閑裏得愁到醉邊尋
擬廢班超筆猶懷季子金故廬湖水上誰似暫幽沉

日暮涼風急蕭然一旅身酒邊歌草草畫底喚真真
亂寢因多想閑愁不爲貧苦爲懷土意此際更傷人

送人之官永嘉

送客闔閭城初秋宿雨晴潮平船早發山險馬遲行
吳越鄉關近旣聞貢賦輕茲游勞撫字聽爾藹仁聲
次韻荅德元金友二首

納納乾坤內紛紛萬事牽文星猶似漆兵氣正如烟
轉覺心憂世其如命在天同君暢懷抱一醉杏花邊
愛聽箏聲曲貪看錦上花青年去如失白髮坐來加
政復憐身世無徒戀物華勸君堅晚節湖畔臥烟霞

丁酉五月六日吳善卿宴諸公越城外唐氏
別墅分得輕字

亭館鑑湖曲開軒水氣清戰袍當暑換舞袖傍筵迎
受雨枇杷熟欺風翡翠輕杯行敢辭醉不負主人情
送管教諭之官遂昌

聞說遂昌縣青山繞廓多民居時間對學舍只依坡
春雨香芹藻秋風冷薜蘿遙知講經暇高興託弦歌
贈別汪先輩歸永嘉

憐君負才藝命與壯心違回首已華髮半生猶布衣
山空芳草歇海閣螿龍稀歲晚東陽道含淒賦式微

吳門懷友人

三月長洲苑重來意惘然江南春似海客底日如年
舊約今何處新題定幾篇相望不得見獨立最堪憐
越上別陳子雋

十載論文又相親若弟兄同爲天上客復此越中行
暑雨田苗秀斜陽驛對明分携亦常事此別各關情
法濟精舍分題賦會稽山

東浙佳山水茲山勢孰儔朝儀曾會禹祀典尚因周
作鎮誇吳越分纏屬斗牛登高攬今古千載思悠悠
沛縣

茫茫瞻曠野稍稍見孤城沙鳥對頭沒夕陽波面明
歌風懷往跡戴斗咲茲行遙見京華道猶須半月程
濮上懷友人

天末孤雲去城頭落日沉蒼黃游子意寥落古人心
已覺河山異空驚歲月深由來桑黹地千載有餘音
懷鄭仲舒兄弟

自歎成何事知心更杳然交游惟二妙別久又三年
夜月琴聲古晨霜筆意專京華俊游地有日接周旋
陪善卿樞密諸公看潮得流字

八月濤江上風高萬里秋珊瑚歸鐵網琬琰落銀鈎

談笑真能事追尋盡勝流
憑誰挽強弩百箭射潮頭
九日同劉敬思黃彥美登蕭然山

身世真如寄登臨得及時
地高風起急天迥日沉遲
綠鬢欺紗帽黃花照酒卮
不知陶靖節歸去亦何爲

贈別何德原南歸

東風纔解凍又復送君歸
客久交游廣才多志願違
惜無毛義檄故有老萊衣
莫遂終南隱令人候少微

錢唐贈黃子中還江西

逆旅暫攜手東風拂面塵
乾坤戎馬日江海別離人
歸路鄱陽外羈愁浙水濱
歸哉倍珍重行勿負蒲輪

雨一首

野水已吞岼人家多閉門
田疇成巨澤市井訝荒村
曉冷衣仍夾愁迷鏡侶昏
滄洲無限思獨立共誰論
鄭本初還吳門有詩留別

睽離嗟已極飄泊定何如
不廢陰鏗句空懷樂毅書
故鄉飛劍外征路禁鐘餘
寄語吳中友毋嗔問訊踈
傷季高

氣化嗟何極英靈杳莫求
共期文作冢誰遣玉爲樓
燈火微茫夜風塵瀆洞秋
平生交友意魂夢結悲愁
同許一秀才宿山館

山家偶同宿解后覺情多世故政如此人生能幾何
涼風侵白苧暮雨濕青蘿且盡今宵酒乘酣發浩歌

秋日山中二首

撫物情何極經秋景未窮禾根生晚綠樹杪變新紅
城壘風塵隔川原雨露同家家熟醅酒得侶醉鄉翁
山曲東西塢原高上下田牛羊歸薄莫禽鳥樂豐年
避世龐公老思農季子賢欲爲畊鑿計出處媿茫然

春日繡湖上與德元同行二首

十里華川上年來足勝游雨花林下寺風柳驛邊樓
漠漠夫容浦依依杜若洲平生身外事未許付浮鷗

相携偶出郭縱目路忘賒山色初晴好湖波積雨加
春農浮酒興人壯惜年華世事猶多故芳辰重嘆嗟

自嘆

自歎何爲者謀生事事艱才庸心力苦憂極髮毛斑
天下兵方息人中我獨閑遺經倘終抱已分老空山
春日過吳子善故居

風雨分林夜蕭條十載前故廬仍綠對精魄已黃泉
妻子今難托詩文後日傳不堪生死意爲爾久凄然

過淞泖中

入夜初過泖蒼茫興杳然大星懸對杪新月出帆前

野酒聊供醉漁歌屢惱眠歸歎繡川上欲辦釣魚船

題溪山風月樓

城南遺跡舊復此構新樓山色風餘淨溪聲月下幽
華裾時共接紅粉任遲留寄語登臨者無詩莫謾游
送許時用歸越

舊擢庚寅第新題甲子篇老來諸事廢歸去此身全
烟對歲溪館霜禾被后田鑑湖求一曲吾計尚茫然
寄藥使君

別我又三月思君如一年信來知近候事劇絕新篇
夜雨青燈外秋風白雁前陽城書下考此事恐虛傳

郡齋偶賦

宦况真蕭索虛齋足晝眠思親懷愛日閱史記疑年
白髮生愁裏黃花立醉邊風流陶靖節輸爾早歸田

臨漳襟詩十首

漳水南邊郡閩鄉到此窮地偏冬少雲海近夜多風
百粵山川屬三吳景物同管賢遺化在千載紫陽翁
此地多烟瘴時清喜漸除阻山猶盜賊並海盡鹽魚
田稻春秋種園薑伏臘需不才叨郡寄廩祿頗羸餘
奢競仍民俗織萼亦土工杯盤簫鼓裏燈火綺羅中
茉莉頭圍白檳榔口沫紅良宵上元節紈扇已搖風

近歲兵戎後，民風亦稍衰。蕃船收港少，畬酒入城遲。
綠暗桄榔對，青懸橄欖枝。薰風荔子熟，舊數老楊妃。
可是閩南徼，陽多氣候先。麥收正月盡，茶摘上元前。
綠筍供春饌，黃蕉入夏筵。南方吾所適，父值亦相便。
文物如鄒魯，斯言信不虛。科名唐進士，道學宋先儒。
祠宇依山曲，遺書布海隅。風流今孰繼，林子亦其徒。

進士周庄物先儒陳惇比
溪林子名唐臣字元凱

是處方言別，漳南覺更强。兒童皆喚囡，男女摠稱儂。
不雨猶穿屐，因暄盡佩香。人人牙齒紫，盡爲嚼檳榔。
山秀英靈聚，溪清爽氣開。水晶凝石髓，月彩耀珠胎。

珉紫裁爲硯，犀花解作杯。最憐沙上草，顏色在根荄。
試上南樓望，羈愁覺易消。兩溪遙合港，大海暗通潮。
白露坐青野，丹霞映碧霄。夢神曾獻吉，目莫不堪招。
郡署經年久，吾來爲一新。重門森畫戟，別駕儼朱輪。
榕葉軒陰晚，梅花閣氣春。祗憐去國遠，爲政愧能循。
陳州舟中述懷

去國已兼旬，飄零歎此身。虛名天所靳，薄宦命常屯。
承詔驚逾隴，修書幸獲麟。扁舟風雨惡，愁絕宛丘津。

臨洮書事

此郡臨邊塞，時平不戒嚴。民居蕃漢雜，僧語梵唐兼。

翠石磨堪研鹹泉食當鹽秦城何處是日暮動還聽
正月十日臨洮會宗明尚書克讓王傳

憶昔同朝日仙班及屢陪一從離禁籞便以墮蓬萊
人向客中老春從天上來邊城且攜手毋負酒盈杯

重到蘭州

重到蘭州境吟竟覺暗消驛程遲倦馬春氣動重貂
塞雪昏蔽虜河水凍解橋將軍誰得侶一一漢嫖姚

臨洮留別如晦同知鄉兄

來往客臨洮途窮幸見招故人真耐久歸路不辭遙
別去逾山嶽憂來勝海潮朝辭官倘容謝晚歲共漁樵

客鞏昌次韻荅崔黃二公見寄二首

離家今九月蹤跡似蓬飄河北重王驅騎洮西更渡橋
思親嫌夢短報國覺心遙歸路須先後終期共造朝
可奈歸心切渾如水向東命屯宜暫屈道在豈終窮
天意時時別人情處處同前途擬相候行李敢匆匆
寧遠縣中書事一首

舊縣開新廨高城接短垣水聲爭入渭山勢遠連番
雨韭供春饌春桃照晚尊故人情意厚暫此駐歸轅
秦州道中書所見簡袁同知

入得秦州境川原生意多春田無曠土雪水有深波

鶻韻兼鸚鵡驢綱帶駝州侯有佳政五袴競聞歌

秦州

水積從天降山連與蜀通遺碑李廣宅廢寺隗叢宮
度隴遲迴際游秦感慨中長憐少陵老曾此嘆途窮

隴州

度關情浩蕩關對侶相迎花謝胡桃結雛飛鸚鵡鳴
汧聲晴入郭隴色晚侵城行役吾真勑聊淹數日程

贈別高彥清憲郎

相見即相別其如念子何汧雲隨晚騎隴對照春羅
仕志青霄遠高吟白雪多重逢定何地闕下聽鳴珂

久不得家信

家鄉消息斷屈指已逾年憂極渾如醉更深轉不眠
梧桐驚夜雨意欲怯秋天浩蕩滄洲興終期理釣船

澠池道中

九月忽又莫吾行祇自傷秋兼人共老愁與路俱長
野果迎霜赤園花帶雪黃故人相慰藉日晚引壺觴
十月一日得南京音信喜而有作

有使天邊至傳來消息真 至尊煩軫念當宁重坐
詢老矣丹心在歸歟白髮新賜環今可待江上早梅

春

伯貞長司自京西還臨洮與余重會關西且致余家信賦詩二首贈別并述鄙懷

邊境古熙州長城據上游渭從同穴出洮入大河流
佐郡蓮依幕還京雪滿裘聞君欲歸養寧得久淹留
家信經年隔君來慰我心平安唯兩字珍重直千金
東望京師近西將歲月深無端歸興切夜夜夢家林
排律附

奉贈王尚書入朝

聖代臻熙運 皇衷憶舊臣弛張時有待拔擢命維
新魯國崇勲後王家重望人暫持田使節旋總夏官

鈞亞相登庸近中朝獻納頻兵謀方在倏衮職要彌
綸髮白緣憂國心丹敢愛身通知越蜀日花柳禁城
春

奉贈強仲賢之官廣東帥府

百粵連文廣雄開大府權撫綏誠有托 殺伐果難專
嶺海風塵肅乾坤雨露偏仍尊藩外聞 重選幕中賢
碩畫煩寒賫 玉函要布宣文星南斗 避漢節朔風
旋劍采鸞鶴 血試辭鸚鵡篇宦游非遠 役從此更高
騫

贈章子端憲天遷江東并呈周憲使

章子吳興彥多才遂壯圖藍田元產卷滄海不遺珠
事業雲霄展年華翰墨紆苑花春躍馬臺栢夜聞烏
辨物能懸鑑爲園肯破觚從容陪憲節慨慷握兵符
近日聞江左連城作盜區逆徒干國紀妙略合時須
况是周夫子真如漢大夫繡衣仍直指鐵甲每先驅
佇見收奇烈誰猶翫細娛敬亭山色好勝賞未容孤

雪夜與友人同賦四十韻

碧宇凝瑤雪璇霄散彩蟾清華交燦爛勁氣稍沉潛
涌凍更偏永堂虛夜正嚴絳回雲母帳綽約水晶簾
鶴夢疑遂覺鴟痕眩莫覘近林生薄曙傍水奪初暹

遠近迷鴛瓦高低濕草苦乾坤同一色海岳混羣瞻
轉訝膚生素因疑首變黔無端瓊屑屑有底玉纖纖
積處逡巡厚消時次第漸應期三白見觸物六花黏
沙際漁收艇街頭酒宿帘青樓嬌管歇瑣闥禁鈴恬
筆火殘雞舌泓冰折兔尖囊琴栖寶匣臺鏡掩芳奩
茶椀醒仍索樽醪醉稍厭沈腰吟後瘦潘鬢暗中添
阮籍今青眼孫權故紫髯高懷期曠世俗態鄙趨炎
題出尋腔和闔蔽覓識拈消閑清事迭肆謔笑聲兼
坐久情逾浹歡濃睡未收錦裯温翠被細帙冷牙籤
日柿含脂膩霜柑剖蜜甜擁爐容少憇促席絕微嫌

王忠文公集卷二
二十
靄靄深衷露霏霏
臙馥靄町畦
應遂略崖岍
竟忘謙病恠
當隅鵬難思
上釣鮎且須
聯石鼎未用嘆
衣鎌有客歌如玉
何人詠撒鹽
剡舟懷返棹
關馬憶征韉
牢落梁園賦
淒涼渭水占
秉忠蘇節在
克敵蔡師殲
焦袒稱高士
袁僵舉孝廉
世徒誇盛麗
誰復卹閭閻
門有仙人斃
家無孝子縑
平安傳竹屋
粧點向梅簷
興逸真何適
才踈乏我砭
摛辭聊紀述
文彩媿江淹

同游鍾山分得塵字

名境居近甸
勝遊屬芳辰
寶珠佛塔現
珍葩御園春
曾是布金地
乃復劫火塵
迹陳情所感
理契意爰臻

探奧窮窅窳
矚遐極嶙峋
躋攀稍畢景
俯仰殊傷神
吾將謝往業
庶以儕前人

簡性初

念爾仍多病
天寒近若何
或疑詩作祟
莫訝藥爲魔
帶緩知腰瘦
巾深怯髮皤
雪聲燈外聽
香氣枕邊過
客至還題鳳
書成即換鵞
寂寥鸚鵡賦
慷慨屢屢歌
夢記青綾直
春回絳帳多
尋芳倘能出
南陌共鳴珂

贈別葛孟桓

情逐白雲飛
匆匆賦式微
故山皆可隱
今子獨能歸
曉日芙蓉佩
涼風薜荔衣
丹房窺火候
琴屋理金徽

度嶺疑山長經秋喜秫肥鶴書如赴隴莫遣壯心違

庚戌七月十五日離南京作

秉筆侍鑿坡兩載嘗禁齋旣紬金鎖藏亦掌絲綸演
渙汗慙敷揚直書媿褒貶才踈職匪任性僻迹如嬾
方期竭鄙能忽尔蒙嚴遣左遷責已輕西邁程頗遠
得災或無妄止謗在不辨洪造本至仁薄命信多蹇
渡江心搖搖戀闕情宛宛行矣復何言賜環諒非晚
余至汧陽辱彥博明府孟昭贊府相留連日
有郊行之樂同賦近詩八韻爲別

客路勸驅馳郊游稍息機正緣尋淡泊豈是覓芳菲
堤對迎行旆簷花撲舞衣曲聲渾覺軟酒力尚嫌微
歲月驚春盡功名歎志違寫情汧水去矯首隴雲飛
坐席醺仍促回鞭晚不揮人生多聚散明日遂東歸
七月十日新安縣同權令沈子讓校官張可
舉張子隣登縣東雞鳴臺述懷十韻

早秋未徂暑亭午忽凝陰旅居坐局束勝餞思登臨
幸獲陪衆彥駕言陟幽岑出關僅百武攀磴無十尋
稍已騁遐日遂茲舒鬱襟乾坤正納納歲月何駸駸
斯文付重託吾力思難任道在已逾困命玄天可謀
終應守素志誓勿枉初心浩歎真有激微言聊自箴

七言

憶昔

憶昔當年二十七，一旦辭家赴京邑。翠眉新婦白頭親，相送出門雙淚泣。亦知離別難爲情，志期年少早成名。囊中束書無長物，欲以文藝干公卿。公卿門前盛冠蓋，祭戟未陳人已待。穎脫且讓毛生能，瑟工敢卜齊王愛。三年鞞帽東華塵，驅馳鞍馬多苦辛。謾羸虛譽落羣口，結托誰是知心人。爲驚歲月匆匆去，翻然南歸理吾素。季子寧無妻嫂慚，長卿本乏家財顧。歸來故山今兩年，男兒未遂坐長歎。功名何物倘可

待，須留綠鬢與朱顏。

十一月十日宿陳敬初館中臨別有作

歲十一月當嚴冬，江湖水落潛蛟龍。蕭條長塗客旅散，而我買棹過吳淞。茲行豈爲飢餓逼，念子高誼來相從。托交同門已十載，蒙被教益開愚癡。時時彼此互有激，譬持寸筵撞巨鐘。姑蘇臺前攬秋色，麗正門外尋春容。中間欣戚每相繫，要復終始猶駟螭。一去春與子別旌，旗滿眼紛縱橫及茲相見恍如夢。中夜論議披心胷，君言祿爵非所願。但願擊壤歌時雍，却因文章著不朽。韜晦養粹甘爲農，顧我所願頗異

子謂欲與世相奔衝黃金鑄印錦懸綬時至未敢辭
侯封丈夫出處雖二致非係愚哲由乖逢得意歛望
亦常事所貴自寶如璜琮計長較短語輒久坐聽睹
鼓聲鼙鼙人生會合良不易奈此物役相牽攻君留
仍泛越來水我去猶對金華峰區區離別不足惜且
復醉子雙尊釀郊翺自附湜籍輩此事遠矣須追蹤

贈別毛景淵

毛君落落人中英能以六物推人生失明雖歎卜子
夏有術未讓嚴君平眼前紛華付冥漠胷中造化通
微精時復開口論世事言議激烈非縱橫錢唐六月
暑如炙一見使我囂煩清謂我生辰書無咎亦或有
日成功名而予壯志日已倦頗覺與世如忘情詠歌
太平本吾事蕭條此意將誰明重山密林長在夢幾
欲歸去終銷聲逆旅別子之投贈白壁非重言非輕
但期珍重勉自愛與子會結滄洲盟

贈別干生

北風吹寒木葉稀之子訪我林間扉山空歲晏將何
之且復夷猶湖水湄若翁起身自書詩一官甫就鬢
已絲與我託交自京師羨子正及青春時朱顏綠鬢
玉雪姿名駒汗血不可羈一日千里誰能追相逢一

杯聊共持酒邊喚取雙蛾眉清歌慢舞華燈移人生
行樂復奚爲酒酣我有慷慨辭子勿聽之慘不怡只
今艱難值時危戎馬滿地干戈揮褰旗射馬功或奇
朝廷便有爵賞施况復竹帛聲名垂子弓甚良又善
馳胡不早奮乘時機丈夫要作遠大期願子努力無
遲疑往哉壯志不可違黃金爲印錦爲衣看子他年
得意歸

題高房山畫

風流一代房山老曾中丘壑蘊天巧有時意匠稍經
營萬疊雲山筆端掃嗚呼斯人往矣不可攀畫圖千

載遣人間

長歌一首寄壽子進家兄五十

戊申之歲莫春初三月四日天氣舒我兄行年五十
旦今日初度喜樂胥東風吹綠盈桑榆藹藹佳瑞充
門閭堂上拜母荅勞劬兒姪婦女聯裳裾親朋雜遝
亦來趨獻壽旣畢坐亭廬筵前清酒列百壺賸剖鷺
雞剥羊猪俗樂次第鳴琵琶年年當富貴非可誣此樂
之外復何如惜哉仲弟番京都不及奉觴同笑呼朝
來起望天東隅再拜祝兄不敢諛願兄壽年八袞餘
種田有秋倍獲租登山足樵水足漁奉我慈母永無

虞子孫識字作農夫莫羨繫紫并紆朱想兄今日甚
歡娛還曾念及弟也無弟也十載走官塗備嘗苦澹
忘甘腴年來霜雪生眉鬚頗覺厭佩腰間魚便欲挂
冠遂懸車行間君玉乞鑑湖長歌式微賦歸歟與
兄共讀先人書

二月望在鞏昌客館夜夢歸里中與金十二

文傳九文學同游高五處士別業旣覺有感

而賦

東風解凍春二月東還隴西駐吾轍中宵好月入牕
明孤館殊花應時發慷慨旣罷倚醉眠夢裏迢迢返

東浙我家住在縣烏傷奕世衣冠紹先烈青岩之下
華川湄古木修篁蔭門閤里中朋友不數人總角交
游到華髮金文雖老文益昌傳子方強氣難遏縣南
高叟故所居別墅新營最幽絕大田多稼廩不虛華
屋有軒席常設自余便道過家時三載于今成闊別
今日何日乃盍簪園應舊好三生結竹林藤簟坐崢
嶸橘逕梅蹊行楚變篇章襟選詩句哦盤饌紛紜酒
杯啜旣誇荅客語仍狂頗憐哭子言猶噎儼然相對
如平生抵掌論心盡懽悅寒鍾驚覺頓無聊一點青
燈自陰滅倍思故隱只山中却嘆浮蹤向天末嗟我

文章非古人虛名在世真叨竊一從螭陛到鑿坡久
侍清光入金闕每多杜甫能自期許身欲比稷與卨
政圖事主盡愚踈豈意謀身轉迂拙肅將使指往
西坐迢遘河山重跋涉嚴風裂面沙眯眸冰髯霜髮
莖莖折瘦馬衝寒不自禁狐帽貂裘仍狗襪得非定
遠泛星槎無乃中郎持漢節道塗哽塞竟莫通使事
須還遂中輟歸報吾君扣九重天顏只尺容趨謁
儻矜弱質賜恩光便向明時乞骸骨慈母手線猶
滿衣先人遺書故盈篋鑑湖一曲非所望家山自可
采薇蕨

律詩

讀書有感

束髮耽書便下帷編芸簡蠹費繙披文從東漢言辭
陋詩到西昆體氣衰千載未知誰歎立管人何事苦
爭馳願言獨抱遺經究刊落紛華與道期

清明日訪景元隱居

接席生從靜不譁先生燕坐岫巾紗清明門外新垂
柳寂寞籬邊舊種花爭云問字楊雄宅或是飯牛顏
闔家長安道上紅塵客得似閑居閱歲華

西湖

波光一碧淨無瑕楊柳夫容紫翠加岼岼樓臺圍綺
麗船船歌管載繁華蘇提北去岳王塚葛嶺西來賈
相家富貴功名總如夢孤松歲歲自梅花

有懷陳三秀才

丹穴翩翩紫鳳雛幾年文彩照江湖觀光上國吳公
子屏跡南園楚大夫自古荆山無棄玉只今滄海有
遺珠秋風定卜重相見出處悠悠得細圖

留別前人

百里春帆到海隅不堪回首拂征裾少年未慣長為
客有便須煩數寄書言子弦歌遺化在吳王城塹劫

灰餘英游從此成踈闊後夜懷君月上初

贈別楊巡檢之官懷縣

西陵渡口發征鞍去旆蕭蕭二月寒雲淡蘼蕪連驛
路雪晴鷺鷥落沙灘客懷儘向尊前遣山色宜多馬
上看莫向剡溪懷舊事從來高士寄微官

贈術者林易東

傾蓋涼風落日邊多情談命復談玄山林誰是青雲
器湖海還尋白社緣楊子才高終老守賈生年少更
超迂窮通自古真由分此語從人莫浪傳

次韻高仲原錢唐寒食

又見錢唐節禁烟極目風光殊索然芳草自生兵後
地畫船猶醉雨餘天甲乙樓臺非舊觀東南富貴復
何年客中無限登臨意都付歸鴉落雁邊

登姑蘇臺有感

故壘蕭然起暮塵憑高何處吊忠臣山連吳越東南
近天入江湖上下均歲月多因催髮變文章未足濟
身貧悠然今古無窮恨落日商歌暗損神

東歸留別吳中一二同志

明發閭門早問津梅花有意侶留人誰憐孤館青燈
夜遙憶高堂白髮親對酒論文期隔歲到家獻壽及

新春石田茅屋猶無恙飄泊江關媿此身

贈虞幼悅并簡塗仲宣還江西

京華一別六經春浙上重逢若易分多喜 聖君

深念國盡煩儒士遠從軍青油幕冷三更月畫錦衣
裁五色雲壯歲功名須樹立媿無長策助斯文

東陳徵君

匣裏干將席上珍中吳人物見斯人才名籍籍今誰
敵世議悠悠若未伸近喜丘園俱束帛可能江漢歎
坐綸太玄自是精微學却笑楊雄反誤身

過濟州城南

蒼茫烟火雜風沙商館民廬一萬家橋上朱闌人繫
馬門前綠對日藏鴉州名近爲災年改土俗猶將俠
氣加闕里崇崇空在望客程相促又登車

餞吳伯尚之江西

一生臺閣綴清班磊落文章重泰山特總憲綱膺
帝眷兼持戎律靖時艱威聲漢將靈旗出宦業韓公
畫錦還應是功名身退後更推家學繼修剛

桐廬舟中

瀟洒溪山夢此邦輕風細雨過桐江川廻幾訝船無
路林缺時看屋有窓野果青包坐箇箇水禽白羽去

雙雙到家正是重陽節新釀村醅正滿缸

次侍講先生游方巖韻

靈迹初開不記年危峰如削路如懸曾聞匹馬臨池
飲恐有群羊化石眠風引颿聲來上界雨連香氣落
中天昌黎亦有衡山謁今古清游豈浪然

通州有作

此生蹤跡付飄蓬幾度憑高眼欲空芳草合時初北
上白雲飛處正南中清朝物論聞多未蚤歲辭華恨
未工矯首神京天咫尺明朝喜拜玉堂翁

至瀋州夢陳敬初有作

我行已到灤州城想子河南尚駐程千里相期終誤
約一宵入夢始關情顏容喜見月梁照才思多疑春
草生何日登臨共攜手秋風還滿白雲京

贈別晉秀才

逆旅論交未一年匆匆爲別覺凄然官河去棹多春
水故里歸畊有石田名姓不從當世顯文章可得後
人傳多才還射君門策遲子重來住日邊

贈則周季長舍人赴淮西帥幕

昔時紫綬侍雲霄今日春風換綠袍聞幕共誇從事
重朝班猶憶舍人高衣冠望族如麟趾伯仲文名比

鳳毛回首京華寧久別看君石平步列東曹

贈別馬謙叔憲史

自是南方氣候遲羅衫十月尚相宜何人繡水街杯
日不侶金陵攬轡時天地風塵三尺劍江湖歲月一
篇詩只今已是功名晚况待星星兩鬢絲

次韻韓與玉上都道中阻雨見寄

北度居庸去路修平郊如海夏如秋賦高合擬揚雄
獻年少誰當賈誼憂黑雨漫山渾未歇赤城何處定
遲留不知鞍馬驅馳苦得侶慵夫晝臥不

陪樞密高公鎮撫吳公宴于亭山席上賦

樓船歸路望蓬萊十里荷花映醉腮小幟大旗斜日照短簫長笛遠天迴將軍自是王孫貴坐客慚非士才分付沙頭雙白鷺忘機彼此莫相猜

留別京師諸同志

帝都冠蓋盡才賢兩載追隨得後先珠履食魚亭日上褐衣騎馬朔風前蘇公去蜀八千里韓子客京三
十年從古辛勤有名譽慚予早賦式微篇

贈韓執中赴京師

迢遞吳帆入御河都城又見鬱嵯峨去天尺五九重
近行路三千一月多治世未煩陳上策高才自可擢

魏科春風曉日橋門外同舍相迎振珮珂

常熟舟中

一自歸來東海涯每依北斗望京華才踈謾結交游
廣身遠時驚夢寐賒風雨扁舟今若此功名壯志倍
堪嗟故人只在虞山下同看寒梅雪後花

偕游任氏蕭然山堂和高則誠壁間韻

暑雨涼風七月盡蕭然山上看飛雲海水江水咫尺
合吳山越山圖畫分干戈滿目正崇武筆硯隨身誰
賈文幸得風流二三子清吟劇飲到斜曛

陪黃先生至東陽謁胡先生有詩次韻

壯游回首各成翁猶憶當年共際逢二老往來看鶴
髮十年先後對鰲峰由來元白名相並歸去疏楊跡
更重莫道山林足忘世只今海內仰儒宗

又

今代文名屬兩翁况兼出處每相逢秋風官馬灤陽
道春日肩輿峴首峰酒盞未空渾覺醉羅衣初試已
嫌重多應杖屨從容地前輩風流得共宗

吳江客中冬至日

十年奔走竟何爲轉覺謀生事事非時序每驚愁裏
換家山長向夢中歸吳江歲晚寒波積楚塞天邊鴻
鴈稀酒後登樓倍惆悵緇塵猶滿舊征衣

次韻荅蕭山友人

長憶蕭然山下縣去秋爲客日招邀夕陽玄度飛輪
塔曉雨文通夢筆橋搜檢蟲魚窮爾雅咏歌草木續
離騷舊游回首成凋謝莫遣音書侶路遥

陪侍講常侍二先生宴趙氏家園次常侍韻

翠峴峰前畫水邊相攜勝地侶平泉容臺先生形侶
鶴禁林學士性如弦收喜典刑存故老從教談笑挾
飛仙良辰勝集何能繼他日應須話往年

述懷柬王季野判官

自負平生意氣高飛揚無力可徒勞未能董子陳二
策已歎潘郎髮二毛癸巳流年冬至節庚寅初度楚
臣騷一庖且復同君壽坐對梅花映錦袍

次韻荅金德元見寄

蹉跎三十未成名况復時危事足驚歲月逼人渾侶
夢江湖浪跡若爲情已知干祿無他術可信爲儒誤
此生多謝知心能念我歸歟獻歲對持觥

次韻朱一中新正試筆

甲午元正逢甲子也知人事合天時頌春喜見新年
曆問竹猶看舊日枝香散屏圍烟陣陣雪消簷溜雨

絲絲承平氣象今行見定復重歌既醉詩

錢唐贈別陳秉彝歸天台約九月來吾邑故
未及之

寥落春城物色荒况堪寒雨薄衣裳時危離別心渾
醉路遠懷思夢倍長賈誼論高仍見屈禰衡才俊莫
教狂秋風肯負華川約爲子開尊舉十觴

送僧至杭

上人乘興到杭州飛錫逍遙物外游結社有人邀惠
遠題詩是處謁湯休山深月白猿聲夜湖闊風高木
葉秋若訪炬公天竺裏草堂應作數宵留

送貢有輝上舍還宣城并寄其兄有行有初
南湖水落雁初來公子仙舟此日迴梓里又誇新闕
閱雲林猶映舊樓臺青春牀上傳家笏白髮堂前獻
壽杯多是弟兄相倡和暮雲詩句爲予裁

京城春夜漫興

金水橋頭輦路分深沉庭院柳如雲春來天上渾無
迹月到花間侶有痕酒思曾騰欹枕臥鶯聲軟媚隔
窓聞千金欲買長門賦誰侶相如善屬文

次韻答周尊師

行李西來自豫章東風拂面柳絲黃壺中日月青銅

鏡方外神仙白羽冢老子藏書嘗作史太玄執戟謾
爲郎十年亂後重相見頗覺形神欲兩忘

書李高卷後

金華溪上發仙舟越水吳山漫意留老去才名天上
望重來道路夢中游敢向同門附藉湜幸從異代師
韓歐俯仰乾坤今是昔憑將詩句托風流

與德元國章解后光明溪上

眼見兵連婺女城吾邦騷亂若爲情已應郵緯無他
策要復窮經了此生少室山人空索價杜陵野老欲
吞聲荒村避地相來往日暮班荆益共傾

排律附

文憲十二韻爲仲溫憲郎賦

中州勝槩說彭城戲馬臺前俯大垌汴水北交河水
混淮山南入楚山青百年故老遺文氣今代奇才尚
德馨喬木依依臨巷陌世家隱隱見門屏未妨仲蔚
蓬生堵政喜廉溪草滿庭雨案芸香春辟蠹風檐竹
暗夜藏螢圖書留意年華蚤燈火關心夢寐醒劉向
謾登天祿閣揚雄自著太玄經常時下榻來今雨幾
載驅車從使星浙水東西迂逸足青雲上下振修翎
才名要使囊穿穎宦業懸知刃發硎媿我遠遊殊已
倦過從何日話飄零

王季泚奉命徵吳謀武於江浙還賦長律以
贈

公子英姿汗血駒一朝千里尚徐徐近膺妙柬隨銀
綵旋被俞音降玉除討叛載放丞相鉞徵才遂遣使
臣車皇華燁燁馳英蕩束帛戔戔賁草廬滿地干戈
今若此至尊宵旰定何如已應智勇俱收錄行使
奸妖盡洗祛錐入囊中誰穎脫瑟登門下恐音虛劉
蕢自有經綸策賈誼寧無痛哭書落落客懷真慷慨
悠悠世故足欲歔廟堂到日煩多語儒術由來未闕

疎

贈林先生

誰似君家閥閱高宅前喬木勢凌霄一門科目連三代十世儒名冠兩朝仍羨先生膺碩望坐令後進仰餘標少微垂象光輝映皇極推玄禮數超江左豈容安石臥淮南曾赴小山招明時冠帶俱爲用此日弓旌重見邀家學發揮疑刃剖廟謨參贊譬羹調春風談笑青油幕曉日追隨碧羽翹鸚鵡洲邊新汗漫鳳皇臺上久逍遙却回故國頌周祀猶夢釣天舞聖韶雲路功勳方烜赫山林蹤跡未蕭條辦香麗水祈靈

既疋馬蒼山觸暑熯近喜三苗繩繫頸共誇六國印懸腰歸來畫錦諸親在老去秋霜兩鬢饒懷土未妨淹使節觀風也復采民謠青田爲語劉夫子莫使亡羊付寂寥

王忠文公文集卷之三

和郵陽三臺劉傑編輯

廬陵銅溪劉同校正

絕句

唐三學士圖

衣冠相肖不相侔
棋局琴牀樂勝遊
想像開元全盛日
太平人物摠風流

奚官牽馬圖

太液池邊新浴罷
未央門外乍牽來
若教立仗丹墀下
恐負平生泛駕才

宣和御馬圖

睿思東閣倚闌干，貌得龍駒帶笑看。
回首天閑成寂寞，青城塵土畫漫漫。

滄浪池硯圖

滄浪池水碧生春，當日臨池玉作人。
故物流傳遺澤在，龍泓風味未爲珍。

題趙魏公木石圖

朝罷鑿坡春晝閑，籀書飛白恣揮翰。
多因遺墨淋漓後，寫作虛篁木石看。

贈別毛先輩

赤日黃塵徧九垓，故山無日不興懷。
西溪精舍君歸看，書帶春深綠繞齋。

揚州

春滿揚州廿四橋，何人騎鶴聽吹簫。
瓊花芍藥猶閑事，且訪平山舊柳條。

八月十二日夜夢

庭外紅梅艷染坯，徑邊綠橘密懸杯。
老妻指點分明說，是子爲官出後栽。

贈穆生之任崇德

江花江水思冥冥，百里征帆帶曉星。
欲托東風將別

意驛亭無許柳條青

寄陳子雋憲郎

一月不見陳公子便覺令人鄙吝生秋風白蘋已可
采幾日芳洲攜手行
美人家寄湖水陰相望不得去相尋不去不緣舟楫
少生怕門前波浪深

題萬里江山圖

昔年曾作子長游萬里江山一客舟攬得瑰奇滿曾
臆恠來開卷思悠悠

枕上有懷

天寒游子客衣單夢繞家林到夜闌應是吾親念兒
切倚門日日望歸鞍

諸暨道中訪方隱君不遇

竹屋新成繞澗阿年來避地隱烟蘿門前不是長安
路却笑行人也謾過

題畫二首

綠侵雞距踈分葉黃染鷺鷥淡著花暑雨涼風新入
畫不將穠艷競春華

右黃葵

暖日脂顏凝曉困東風翠袖倚春酣一枝貌得渾相
侶翻覺情濃思不堪

右海棠

題畫馬

沙苑秋深首管肥五花毛色爛生輝
奚官莫把青絲鞵自是龍媒不受鞵

春早漫興二首

洩雲漏日淡無光薄暖輕寒互送將
醉眼莫嫌春色淺東風新染柳絲黃
步出林東過水西可人不見思如迷
曉風偏妬牆頭杏吹盡胭脂汗作泥

古意二首

手織紋羅始落機便將裁剪作郎衣
衣成却惜與郎著著時恐帶酒痕歸
一片如小青銅鏡懶教拂拭任昏沉
只爲妾顏憔悴甚照時分曉易傷心

漫興四首

挂網山前秋氣深斜風細雨思難禁
清溪曲曲空如畫不狀愁人此段心

乾坤氛氣日蒼黃南北干戈恣擾攘
安得強弓三萬手向空著矢射天狼

常恠栖栖杜少陵愁篇苦句每相仍
只今世故多離亂欲寫艱難媿未能

天邊消息杳無期，獨立蒼茫有所思。
揔說梅花春意早，幾時還到北邊枝。

寄趙子將二首

又見東風綠柳絲，客懷長是怨春期。
休文腰瘦成何事，未必風流只爲詩。
憐君落魄不堪羈，笑我如君不我痴。
世事只今如戲劇，也甘晦迹向明時。

題宗原常鑿卷

傳家自有回鑿疏，擇術深攻素問篇。
莫道史遷今日少，倉公同傳待他年。

題淵明醉像

彭澤歸來蹤此身，每從醉裏見天真。
白衣不至渾閑事，自有尋常漉酒巾。

送綬東歸十一首

青岩山下萬松青，雨露沾濡歲月經。
莫遣樵夫來剪伐，嚴君體魄暫須寧。

手種堂前宮樣梅，燕脂染色瓣重臺。
梅邊好獻慈親酒，暖日花容映醉腮。

舊宅年深縣治西，蕭條門外帶荒蹊。
喜聞令尹存忠厚，留我梧桐待鳳棲。

文獻流風百世師華川東畔有新祠殷勤爲謝同門
友蘋藻時將薦一卮

一曲清江一畝田閑居畊釣足長年龐公城市何嘗
入千古令人說隱賢

青村地僻稼軒幽來往過從摠白頭酒盞詩篇雖不
廢已應非復少年游

螭陛趨朝星在戶鑿坡出直日沉城鄉書欲寫渾無
暇千里懷思獨此情

客邊別我覺驚心遺汝囊無一寸金歸路迢迢吾頗
熟夢魂隨汝到家林

吾家十世紹簪纓媿我才疎佞不勝雖是文章無可
用詩書遺緒要相承

多年爲客倦馳奔賴爾艱辛植戶門臨別欲言無可
說但將甘旨給晨昏

歸路錢唐莫久留西陵渡口趁官舟到家已是將殘
臘好會親隣酒旋菊

九月八日灞橋戲題

驢背蕭蕭帽影偏斜風落日灞橋邊玉堂仙客無人
識謾說當年孟浩然

蘭州

泚雲隴草都行盡路到藍州是極邊誰信西行從此
始一重天外一重天

無題回文七言絕句四首與友人同賦

微醉帶歡春意足密期成約晚晴多飛花落處焚香
篆乳燕歸時捲幔羅

風生竹徑迷深綠雨過蓮池浴膩紅銅鏡對粧臨牖
北練裙題字戲牆東

芳謝菊葩含重露瘦侵梧葉著輕霜涼宵怯扇箴紈
素遠路將書寫紙長

殘雪喜傳三牋信早梅欣報一痕春寒欺獨枕鴛鴦驚

夢悶結雙蛾翠斂顰

客牕

客牕風雨夜沉沉形影凄然獸擁衾只有青燈如骨
肉寂寥相伴到更深

宿寧遠縣道中題田家二首

門前柳樹綠雲屯院裏梨花白雪新滿目春光誰占
得不應也復有來人

攜妻抱子白頭翁遠出城西近塢東却笑長安名利
客半生多在別離中

歌

黃河水

黃河水西來一折一千里四折東流歸渤海渾濤濁浪深無底舊傳一清三千年聖人乃出天下安河水之清一何少吁嗟至治何由還我願河水年年清聖人在上聖復生千齡萬代長太平

題九江秀色圖

昔聞廬山謠今見廬山高廬山之高幾萬仞九江秀色不可招山南山北盡佳致五百僧房密脾綴香爐直削金芙蓉瀑布長拖青翡翠晴嵐暖霽日夕浮畫圖彷彿不得求謫仙仙去三千秋安得起爾從之游

築城謠

朝築城暮築城築城欲高高輒崩江南五月盛霖雨隨崩隨築人人苦大家築城多賣田小家賣產來助錢朝築一寸暮一尺盡是齊民膏血積爭道城高可防賊民力已窮何所益君不見陛下盛德猶如天四海一家千萬年金湯之固非所恃何乃坐令民力敝

白翎雀圖

白翎雀雪作翎群呼旅食啁晰鳴何人翻作弦上聲傳與江南士女聽南人聽聲未識形畫師更與圖丹青圖丹青一何似知爾之生何處是秋高口子草如

雲風勁腦兒沙侶水

五禽言次王季野韻

力作力作人言田家樂誰識田家苦養蠶一百筐種
田一百畝田蠶非無收不了輸官府但願官府不我
虧田家力作非所辭

提胡蘆勸美酒春風三月滿花柳持此一杯爲君壽
人生壽命不滿百日過一日真可惜身名倘不立徒
令後人哀不如一飲三百杯日日不管玉山頽

脫袴脫袴人情憐新不憐故故袴綿所粧新袴但裁
布薰風四月天微炎人人著布便脫綿綿袴非不完

失時誰是憐

泥滑滑塗滿泥我身兩足馬四蹄欲行向前不得馳
不得馳心勿惱跛鼈也行千里道若教得意早成名
自有青雲脚下生

行不得哥乾坤滿眼紛干戈荆湖骨如丘江淮血成
河道路斷絕可奈何君行將何之欲投遼東去却向
海上過行不得哥海水寧可測只今平地皆風波

青潭山神祠樂歌

義烏縣東三十里有山曰青潭山之神曰樓府君發
祥應瑞廟食茲土然莫詳其始所自或傳與梁雙林

傅大士同時人府君之爲神大士有助焉宋慶元間
江州守王公寅縣人也始列神之休績聞于朝勅賜
廟額曰順應有元至正十五年江州七世孫禕復作
迎享送神樂歌三章俾鄉人歲時歌之以祀神其詩
曰

青潭山鬱崔嵬窟龍蛇蓄雲雷縈靈君此焉宅歛威
稜霈福澤靈之游東以西雨裔裔風淒淒靈之徠靈
暄銷慶陰爛昭昭靈之旂翠旄披燁秀華紛葳蕤
靈之車朱兩鞞鞞文霓駟蒼虬靈之至形放蕪顏如
荼服如繪靈殷殷藹續紛恍兮惚儼若存澹容與晻

常羊盍其留言予我將

右迎神青潭山一

靈旣臨矣管華開載馨靈之格思鑿我純誠我酒旣醜
其旨百末我牲旣驅厥角爾栗侑以音聲函宮吐羽
左祝右巫秩秩咸序備茲嘉薦有肅其承春祈秋報
熙事迄成我誠孔昭豈曰惟儀假儀薦誠靈用宴娛
右享神靈臨二

穹穹厚厚奠高卑高莫可扣卑莫敢我人中處其儔
依匪靈焉依將孰求我之依靈豈無期春秋祝事粵
多儀靈旣享矣不我違嗟我民人苦害災災有扎瘥
害旱饑况有干戈橫逆加惟靈威力善拒排蕩滌妖

沴臻蕃釐豐年穰穰穀如坵耄耆稚孩逸以嬉靈之
福我匪我私好生之德體穹示靈將逝兮不可稽首
下尻高拜靈旗千齡萬祀靈之思

右送神穹厚三

趙將軍歌

趙將軍須髯如畫六尺身年未四十勇且仁不獨好
武兼好文弓彎烏號滿挾月旗騫大赤高凌雲拳毛
紫馬白玉勒雙脊寶劍青萍紋自從弱冠領戎伍及
此百戰成功勲有時閑散即緩帶席上濟濟延嘉賓
月夜投壺翠竹下風晨垂釣紅蓮濱談詩論曲曾不

厭歌聲更對蛾眉顰臯蘭山下大河上嚴城屹立開
重圍近控西夏遠西域種襍蕃漢多居民 聖皇在
御重邊面夷夏一視施威恩將軍承詔來坐鎮上體
睿意綏遠人戎羗酋首咸慕義奉贄納款歸如奔設
施布置未期月轟轟績譽遐荒聳豈不見昔時漢家
趙充國金城旣守田先屯其策十二務持重夷裔帖
服稱如神古今邊將推第一竹帛所載光焯焯將軍
將軍重自愛太史有筆吾將伸

題積慶堂歌

武川之谿浙水所發源西流到金華合爲雙溪波流

乘黃鉞白旄四征討不庭蠢彼梟獍徒屯蜂蟻營營
蕭斧伐朝菌一揮不留行大憝旣已夷乾坤永清寧
應聖期

千載開昌運三靈協睿謨金輪神化衍玉牒慶源儲
礪帶河山誓幅員夷夏圖大明真普遍萬物盡昭蘇
制作興王夏歌謳屬帝虞從此承平後禎祥紀瑞符

賀聖歡

軒轅垂衣裳虞庭舞千羽至治一以臻聖作物斯覩
闔闢侷乾坤經緯用文並歲澤均漏泉仁風動率土
大君德猶龍群臣拜如虎萬歲復千齡太平亘來古

君臣同慶樂

天地旣開泰君臣咸應期明良元一體慶樂得同時
魚水情真契龍雲勢每隨周王資望奭虞后賴臯夔
鼓舞千年運經營百世基廢歌一堂上共咏角招詩

澠池縣丞王侯驅虎歌

并序

洪武四年四月括蒼王侯熙陽爲丞於澠池先是境
內虎害人者無虛月民以爲患侯至則爲文與城隍
神約自今以往虎盡去即不去責且有所歸言甚激
切已而果絕迹民以爲王侯德化之所致也余道經
澠池目擊其事因爲作歌

澗池之境最多虎道路行人共愁苦狂風吼怒振塵
沙落日驚魂慘烟雨王侯承 詔來作丞民有創痍
手摩撫下車走謁城隍神親寫文移對神語爲言幽
顯雖有分我與爾神均守土猛虎今茲實害人責不
在予還在汝早遣惡類離境中爾神無愧爲民主精
誠一念旣感乎陰逐潛驅固其所驛使郵夫中夜馳
畊農賈客凌晨聚前時出戶即畏塗今日連村皆按
堵童謠籍籍相謂言孰使吾人樂居處我侯之德與
神通故令孽沴成銷沮豈不見古來循吏美蹟多虎
有渡江及渡河澗池之事同不磨王侯王侯奈尔何

曲

南城曲二首

素羅束髮雙髻拖大紅衫子小紅鞵並馬早出南城
路問人杏花多未多

南城杏花如錦紅就花索酒醉春風郎君入堡猶未
滿爲言歸去莫匆匆

次友人離別曲

東風吹春滿南陌楊柳青青李花白花柳年年好顏
色妾容已覺今非昔

自從結髮爲君婦君住長安幾寒暑定知時去宿青

樓不侶孤閨長夜苦

丈夫謾道功名好不道別離人易老令人却羨田家
郎白頭夫婦得成雙

江上曲

木蘭船繫門前對阿郎今朝棹船去去時爲問幾時
歸約道歸時日須暮江上風水不可期日暮不知歸
不歸

荆對曲

紫荆對當軒青衆枝只共一本生去年風吹北枝損
憔悴南枝顏色墮北枝今歲喜如前南枝顏色皆鮮

鮮樹木無知寧有意同本故應休戚係君不見桃生
路井上李樹生桃旁蟲來嚙桃根李樹代桃僵桃李
異樹尚如是况此一本相連理人皆兄弟無則已若
有還須荆樹比

憶別曲

低低門前兩桑樹憶君別時桑下去桑樹生葉青
青知君顏色還如故桑葉成蠶蠶作絲絡絲織作綾滿
機欲將裁作君身衣恐君得衣不思歸

荆門曲

任城北行三百里官樹如雲夾河水樹深水淺船行

王忠文公文集卷三
三
遲五日纔到荆門西

荆門津吏不開牖前船後船佯鱗壓名驅利逼貪訟
程落月在地登車行

王忠文公文集卷之三

